

XIX

Lo ptét prñce fsé l' aichenchion d' ènne hâte montaigne. Les seingnes montaignes qu' èl euche coéniu étĩnt les trās vulcans que y' airrivĩnt â dg' nonye. Èt èl utiyijait l' vulcan étôffè cment sèllatte. « D'ènne montaigne hâte cment çtée-ci, qu' è s' diait aidonc, i voirraĩ d' ĩn cô tot' lai piaĩnnatte èt tos les hannes... » Mains è n' é ran qu' vu des aidyeuyes de roeutche bĩn édyijies.

- Bondjoué, qu' è dié â hésaid.
- Bondjoué... Bondjoué... Bondjoué... répondjé l' réton (*écho*).
- Tiu â-t-ce que vos êtes ? dié lo ptét prñce.
- Tiu â-t-ce que vos êtes... Tiu â-t-ce que vos êtes... Tiu â-t-ce que vos êtes... réponjé l' réton.
- Feuchĩns mes aimis, i seus tot d' pai moi, qu' è dié.
- Ĩ seus tot d' pai moi... Ĩ seus tot d' pai moi... Ĩ seus tot d' pai moi... réponjé l' réton.

« Quéé souĩtche de piaĩnnatte ! qu' è musé aidonc. Èlle â-tote satche, èt tote pointouje èt tote sâlèe. Èt les hannes mainquant d' imaĩdginâchion. Ès répétant c' qu' an yos dit... En l' hôtâ i aivôs ènne çhoué : èlle djâsait aidé lai premiere... »